

KJKP „VODOVOD I KANALIZACIJA“ d.o.o. SARAJEVO
v.d.DIREKTOR
Izvod broj : 120/20

Sarajevo, 18. 01. 2021. godine

Na osnovu člana 64. stav 1. tačka b), člana 70. stav 1. 3. i 6. Zakona o javnim nabavkama (Sl. glasnik BiH br. 39/14)), člana 27. Pravilnika o nabavci roba, vršenju usluga i ustupanju radova KJKP „Vodovod i kanalizacija“ d.o.o. Sarajevo, te člana 41. Statuta preduzeća, na preporuku Komisije za javnu nabavku broj 120/20 od 22.12.2020. godine, u postupku javne nabavke br. 120/20 „**Rezervni dijelovi za vodomjere proizvođača IKOM**“ donosi se :

O D L U K A

o izboru najpovoljnijeg ponuđača

Član 1.

Prihvata se preporuka Komisije za javne nabavke o izboru najpovoljnijeg ponuđača broj 120/20 od 22.12.2020. godine i ugovor za javnu nabavku roba : „**Rezervni dijelovi za vodomjere proizvođača IKOM**“ - tender broj 120/20 dodjeljuje se ponuđaču: „**IKOM**“ d.o.o. Livno ponuda broj: 01_11-12/20 od 11. 12. 2020 godine, za ponudenu cijenu od **29.985,00 KM bez PDV-a.**, kao najbolje ocijenjenom.

Član 2.

Prijedlog ugovora o nabavci dostaviti će se na potpis izabranom ponuđaču „**IKOM**“ d.o.o. Livno po proteku od 15 dana, računajući od dana kada su svi ponuđači obaviješteni o izboru najpovoljnijeg ponuđača.

Član 3.

Ova odluka objavit će se na web stanici www.viksa.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj : 120/20 od 12.11.2020. godine.:

Javna nabavka je provedena putem otvorenog postupka nabavke.

Procijenjena vrijednost javne nabavke bez PDV-a iznosi : 30.000,00 KM.

Obavještenje o nabavci broj : 247-1-1-191-3-334/20 poslato je na objavljivanje na Portal javnih nabavki dana 19.11.2020. godine, a sažetak obavještenja o nabavci objavljen je u Sl. glasniku BiH broj : 75. od 20.11.2020. godine.

Komisija za javnu nabavku imenovana je Rješenjem br. 50/20 od 25.06.2020. godine i dodatni članovi komisije imenovani dopunskim Rješenjem br. 120/20-1 od 12.11.2020.godine.

Komisija za javnu nabavku dostavila je dana 08.01.2020.g. Preporuku o izboru najpovoljnijeg ponuđača broj 120/20 u postupku javne nabavke roba: „Rezervni dijelovi za vodomjere proizvođača IKOM“ - tender broj 120/20.

Komisija za javnu nabavku je sačinila odgovarajuće zapisnike u kojima je utvrđeno sljedeće:

- Da je ukupan broj pristiglih ponuda: 1 (jedna) ponuda - „IKOM“ d.o.o. Livno
- Da su blagovremeno zaprimljene: 1 (jedna) ponuda - „IKOM“ d.o.o. Livno
- Da nije bilo neblagovremeno zaprimljenih ponuda;
- Da dostavljena ponuda ponuđača „IKOM“ d.o.o. Livno ispunjava zahtjevane tenderske uslove prema obliku i potpunosti u smislu pripreme ponude.

Pregledom ponude koja je zadovoljila uslove u formalnom smislu, Komisija je pristupila analizi dokumentacije priložene uz ponudu u smislu provjere kvalifikacije ponuđača, obzirom na iskazane zahtjeve ugovornog organa u tenderskoj dokumentaciji i konstatovala sljedeće:

R. br.	Zahtjevana kvalifikaciona dokumentacija	Ponuđač
		„IKOM“ d.o.o. Livno
1.	Tačka: 13 TD: Izjava o ispunjenosti uslova iz člana 45. stav (1) tačaka od a) do d) Zakona o javnim nabavkama – Aneks IV; Prilog 3.	DA
2.	Tačka: 14.1. TD: Izjava o ispunjenosti uslova iz člana 47. st. (1) tačka a) i (4) Zakona o javnim nabavkama – Aneks V; Prilog 4.	DA
2.1.	Tačka: 14.1. TD: Potvrda banke o aktivnosti transakcijskog računa koja nije starija od tri mjeseca računajući od dana dostavljanja ponude	DA
3.	Tačka 14.3 TD: Original ili ovjerena fotokopija Aktuelnog izvoda iz sudskog registra ovjerenu od strane nadležnog organa – (Sud, Opština ili notar) ili Rješenja o registraciji ili ekvivalent odgovarajućeg dokumenta, koji nije stariji od tri mjeseca od dana izdavanja, a računajući od dana predaje ponude (Član 46. ZJN BiH), kojim se dokazuje da ponuđač ima pravo na obavljanje profesionalne djelatnosti i/ili da je registrovan u relevantnim profesionalnim ili drugim registrima zemlje u kojoj je registrovan ili da osigura posebnu izjavu ili potvrdu nadležnog organa kojom se dokazuje pravo da obavlja profesionalnu djelatnost, koja je u vezi sa predmetom nabavke.	DA

Ponuđač „IKOM“ d.o.o. Livno u dostavljenim izjavama iz čl. 45. ZJN i 47. ZJN nije naveo broj Službenog glasnika BiH.

Komisija je stava da nepopunjavanje broja Službenog glasnika BiH u navedenim izjavama u konkretnoj nabavci ne predstavlja nedostatak zbog kojeg bi ponuda trebala biti odbačena jer se iz sadržaja izjava nesporno utvrđuje da se iste odnose na predmetni postupak nabavke, te da su iste uredno potpisane i ovjerene, a također je upisan tačan naziv predmeta nabavke, naziv ugovornog organa kao i broj obavještenja o javnoj nabavci.

Komisija konstatuje da ponuđač „IKOM“ d.o.o. Livno ispunjava kvalifikacione uslove, obzirom na iskazane zahtjeve ugovornog organa u tenderskoj dokumentaciji.

Pregledom ostale zahtijevane dokumentacije/aneksa-priloga, konstatovano je sljedeće:

R. br.	Ostala zahtijevana dokumentacija/aneksi-prilozi	Ponudač
		„IKOM“ d.o.o. Livno
1.	Tačka: 15 TD: Pismena izjava ponuđača iz člana 52. Zakona o javnim nabavkama – Aneks VIII; Prilog 5.	DA
2.	Tačka: 16.TD pod 1: Obrazac za ponudu – Aneks II; Prilog 1.	DA
3.	Tačka: 16.TD pod 1.1. Popis dokumenata uz ponudu koji čini sadržaj ponude – Aneks II; Prilog 1	DA
4.	Tačka 16. TD pod 7. Ostalo traženo u tenderskoj dokumentaciji: - Katalog ponuđenih proizvoda iz tehničke specifikacije - Original ili ovjerena fotokopija potvrde ili uvjerenja (Sud, Opština ili notar) izdatog od strane proizvođača kojim se dokazuje da ponuđeni mehanizmi imaju traženi faktor transmisije.	DA
5.	Tačka: 20 TD: Obrazac za cijenu ponude – Aneks III; Prilog 2	DA
6.	Tačka 31 i 36 TD: Nacrt okvirnog sporazuma – Prilog 7.	DA
7.	Tačka: 31 i 37 TD: Nacrt ugovora o javnoj nabavci – Prilog 8.	DA
8.	Tačka: 43 TD: Povjerljive informacije – Prilog 6.	DA

Pregledom ponude ponuđača „IKOM“ d.o.o. Livno u dostavljenoj izjavi iz čl. 52. ZJN nije naveo broj Službenog glasnika BiH.

Komisija je stava da nepopunjavanje broja Službenog glasnika BiH u navedenoj izjavi u konkretnoj nabavci ne predstavlja nedostatak zbog kojeg bi ponuda trebala biti odbačena jer se iz sadržaja izjave nesporno utvrđuje da se ista odnosi na predmetni postupak nabavke, te je ista uredno potpisana i ovjerena, a također je upisan tačan naziv predmeta nabavke, naziv ugovornog organa kao i broj obavještenja o javnoj nabavci.

Komisija konstatuje da je ponuđač „IKOM“ d.o.o. Livno dostavio ostalu zahtijevanu dokumentaciju kako je navedeno u tabelarnom prikazu, te je od strane stručnih lica za predmetnu nabavku konstatovano da je navedeni ponuđač ispunio sve postavljene tehničke zahtjeve, zahtjeve u pogledu opisa predmeta nabavke i tehničke specifikacije.

Također je konstatovano da je ponuda ponuđača „IKOM“ d.o.o. Livno potpisana od strane podnosioca ponude i ovjerena pečatom ponuđača, te ima broj i datum.

Pojašnjenje u smislu čl. 68. stav (3) ZJN, a koji se odnosi na pojašnjenje dokumenata koje su dostavili u skladu sa čl. 45. do 51. ovog zakona ili da dostave originalne dokumente radi poređenja s kopijom koja je dostavljena uz ponudu, a s ciljem otklanjanja formalnog nedostatka dokumenta – se nije zahtjevalo.

Računskom kontrolom specifikacije ponude ponuđača „IKOM“ d.o.o. Livno konstatovano je da u ponudi ponuđača „IKOM“ d.o.o. Livno nema grešaka računске prirode.

Konstatovano je da ponuđač „IKOM“ d.o.o. Livno nije dostavio Potvrdu o primjeni preferencijalnog tretmana domaćeg.

Ugovorni organ dodjeljuje ugovor na osnovu sljedećeg kriterija: Najniža cijena (čl. 64. stav 1. tačka b) ZJN).

Tenderskom dokumentacijom je predviđena primjena e-aukcije, a obzirom da je pristigla samo jedna prihvatljiva ponuda, to se u skladu sa članom 3. stav (3) Pravilnika o uslovima i načinu korištenja e-aukcije (Sl. glasnik BiH broj 66/16) e-aukcija ne može zakazati, nego će se postupak okončati u skladu sa članom 69. stav (1) tačka a) Zakona o javnim nabavkama.

Vrijednost ponude ponuđača „IKOM“ d.o.o. Livno iznosi: **29.985,00 KM bez PDV-a.**

Komisija jednoglasno daje prijedlog Ugovornom organu da za nabavku roba: „**Rezervni dijelovi za vodomjere proizvođača IKOM**“ – tender broj 120/20 donese Odluku o dodjeli ugovora ponuđaču: „IKOM“ d.o.o. Livno, broj ponude: 01_11-12/20 od 11. 12. 2020 godine, čija vrijednost ponude iznosi: **29.985,00 KM bez PDV-a.**

Iz gore navedenih razloga, primjenom člana 64. stav 1. tačka b) ZJN, donesena je Odluka o izboru najpovoljnijeg ponuđača kao u članu 1. ove odluke.

Pouka o pravnom lijeku :

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostaviti :

- Ponuđačima
- a/a



v.d. Direktor

Aida Pendek
Aida Pendek, dipl.ing.grad.